

UGOVOR O ZASTUPANJU

Zaključen između:

KJKP "RAD" SARAJEVO, Paromlinska 57. (u daljem tekstu: "Naručilac usluga"), koga zastupa direktor Selim Babić, dipl. ing. građ.

Broj rješenja: UF/I-889/01

Porezni broj: 01700105

Identifikacioni PDV broj: 200316890001

Transakcijski račun broj: 338-900-22080776-49

UniCredit banka d.d. Sarajevo

i

Advokatska kancelarija Vila Nermin, Branilaca Sarajeva 23/2 (u daljem tekstu: "Advokat"), koga zastupa advokat Nermin Vila

Identifikacioni PDV broj: 4302209940001

Transakcijski račun broj: 338-690-22659986-85

UniCredit banka d.d. Sarajevo

PREDMET UGOVORA

Član 1.

Ugovor se zaključuje na osnovu prethodno provedenog postupka nabavke o dodjeli ugovora o uslugama iz Aneksa II. dio B broj 05-03-04-3151/18 od 23.02.2018. godine i na osnovu Odluke o rezultatima okončanog postupka javne nabavke broj 05-03-04-3982/18 od 09.03.2018. godine.

Ugovorne strane su saglasne da naručilac usluga u okviru svog poslovanja treba osigurati kvalitetnu i stručnu pravnu pomoć radi što adekvatnijeg osiguranja zakonitog ostvarivanja svoje poslovne djelatnosti. U tu svrhu sklapa se ovaj ugovor o pružanju pravne pomoći i zastupanju.

Član 2.

Predmet ovog ugovora je stručna pravna pomoć koju sačinjava:

- a) Davanje usmenih i pismenih pravnih savjeta i mišljenja, posebno iz oblasti obligacionih odnosa – naknade šteta, radnih odnosa, prekršajnog postupka i provođenje postupka javnih nabavki;
- b) Podnošenje tužbi, prijedloga za izvršenje, prigovora, odgovora na tužbu i ostalih podnesaka kao i ulaganje, po potrebi, redovnih i vanrednih pravnih lijekova u sudskim i upravnim postupcima;
- c) Zastupanje Naručioca pred sudovima i drugim državnim organima u skladu sa dobijenom punomoći za konkretno zastupanje u prosjeku 10 (deset) ročišta u toku mjeseca;
- d) Sastavljanje ugovora, poravnanja, izjava, opštih i pojedninačnih akata i drugih isprava vezanih za KJKP „RAD“ d.o.o. Sarajevo;
- e) Posredovanje u cilju zaključenja pravnog posla ili mirnog rješavanja sporova i spornih pravnih odnosa;
- f) Po potrebi prisustvovanje u radu organa Naručioca, po pozivu Naručioca i davanje mišljenja u vezi primjene propisa koji se odnose na rad i poslovanje Naručioca, po zahtjevu Naručioca;
- g) Po potrebi učestvovanje u izradi, odnosno samostalna izrada opštih ili pojedninačnih pravnih akata Naručioca, po zahtjevu Naručioca;

- h) Davanje preporuka Naručiocu u vezi primjene propisa;*
- i) Sačinjavanje opštih i pojedinačnih pravnih akata, vezanih za radno – pravne odnose Naručioca;*
- j) Obavljanje drugih pravnih poslova koji su vezani za rad naručioca, a odnose se na primjenu pravnih propisa.*

CIJENA USLUGA

Član 3.

Ugovorne strane ovim ugovorom su saglasno dogovorile cijenu za advokatske usluge iz člana 2. ovog ugovora, prema ponudi ponuđača broj 209/18 od 09.03.2018. godine koja čini sastavni dio ovog ugovora i to:

- mjesečni paušal u iznosu od 1.250,00 KM + PDV.*

Plaćanje će se vršiti avansno šest mjeseci unaprijed 10 dana po ispostavi fakture.

OBAVEZE UGOVORNIH STRANA

Član 4.

Za izvršenje prednjih usluga naručilac usluga se obavezuje da advokatu osigura svu raspoloživu dokumentaciju: statusnu dokumentaciju naručioca usluga (rješenje o registraciji, statut, pravilnike o radu i plaćama, ID broj) i druge akte kojim se na bilo koji način uređuju pitanja iz radnih odnosa zaposlenika naručioca usluga.

Naručilac usluga se obavezuje da će izvršiocu usluga ustupiti predmete u početnoj fazi rješavanja, odnosno od samog pisanja tužbe ili odgovora na tužbu, te da će mu za svaki predmet za koji naručilac usluga traži zastupanje, a po zahtjevu izvršioca usluga svu dokumentaciju obezbjediti najkasnije 30 dana prije održavanja ročišta.

Član 5.

Ovim ugovorom ugovorene pravne radnje se vrše u skladu sa prispjelom dinamikom predmeta i Zakonom utvrđenim rokovima za preduzimanje pojedinih pravnih radnji u fazama sudskog postupka, s tim što je naručilac dužan dostavu predmeta izvršiti blagovremeno da bi advokat mogao preduzimati potrebne pravne radnje.

Član 6.

Naručilac usluga se obavezuje da za svaki predmet koji se advokatu ustupa na zastupanje dostavi posebnu punomoć i potrebnu dokumentaciju koja se odnosi na predmet spora, a u skladu sa rokom iz člana 4. Uz dostavu dokumentacije naručilac usluga će u pismenom podnesku dati svoje mišljenje i označiti službenu osobu naručioca usluga s kojom advokat može vršiti komunikaciju u vezi sa predmetom spora.

Član 7.

Advokat se obavezuje da će čuvati dokumente i saznanja do kojih dođe u ovim postupcima kao da se radi o poslovnim tajnama, te da nikome neće saopštavati bilo šta u vezi sa ovim postupcima bez obavještanja klijenta. Također se se obavezuje da sve poslove iz čl. 2. ovog ugovora obavlja savjesno i odgovorno, poštujući pravila svoje profesije i respektujući postojeći pravni poredak, te da se u okviru advokatskog zadatka i etike zalaže maksimalno za interese naručioca usluga.

Član 8.

Naručilac usluga se obavezuje da po rješenju ili nalogu suda uz zahtjev advokata izvrši uplatu sudskih такси ili vještačenja u rokovima koje sud odredi za svaki predmet u sudskom

postupku, a uz prethodnu dostavu rješenja ili naloga suda koji će dostaviti advokat odmah po prijemu od strane suda.

Član 9.

Ugovorne strane su saglasne da po okončanom postupka u korist naručioca usluge a temeljem sudske odluke o troškovima na teret druge strane dosuđeni sudski troškovi pripadaju izvršiocu usluga u vidu nagrade u visini od 50% odnosno dijele se na dva jednaka dijela između naručioca usluga i izvršioca usluga.

Član 10.

U slučaju sudskih sporova van Kantona Sarajevo putni troškovi padaju na teret naručioca usluga.

OSTALE ODREDBE

Član 11.

Ugovorne strane su saglasne da sva pitanja vezana za predmet ovog ugovora rješavaju sporazumno.

Član 12.

Ovaj ugovor se zaključuje na period od tri (3) godine dana od datuma potpisivanja ovog ugovora.

Član 13.

Ovaj ugovor sačinjen je u tri istovjetna primjerka od kojih naručilac usluga zadržava jedan primjerak, a advokat dva primjerka i stupa na snagu danom potpisivanja.

Naručilac usluga:

KJKP „RAD“ d.o.o Sarajevo,
zastupan po direktoru Babić Selimu, dipl.ing.grad.



Davalac usluga:

Advokatska kancelarija
Nermin Vila iz Sarajeva



Broj: 05-03-04-5253/18
Sarajevo, 02.04.2018. godina